

Amodau Cofrestru 2019-21

Cytundeb Ychwanegol ar gyfer Myfyrwyr TAR Cyflogedig
Tystysgrif Addysg i Raddedigion (Cymru)

Cynnwys

Amodau Cofrestru 2019/20 Cytundeb Ychwanegol ar gyfer Myfyrwyr TAR Cyflogedig Tystysgrif Addysg i Raddedigion (Cymru).....	1
Cynnwys.....	1
Cwmpas	3
Yr hyn y mae'r ddogfen hon yn ei gwmpasu.....	3
Yr hyn nad yw'r ddogfen hon yn ei gwmpasu	3
Cytundeb Ychwanegol	4
Dogfennaeth Gysylltiedig.....	4
Dogfennau sy'n llywodraethu eich astudiaethau:.....	4
Gwybodaeth ac arweiniad:.....	4
Rhannu gwybodaeth a Diogelu Data:.....	4
Egwyddorion Siarter Myfyrwyr Y Brifysgol Agored	4
Cyflwyniad.....	5
Prif delerau'r Cytundeb Ychwanegol.....	6
1 Crynodeb o brif delerau'r Cytundeb Ychwanegol	6
2 Amodau ychwanegol ar gyfer datgelu cyfyngiadau ac amodau cyfreithiol	6
3 Gweithdrefnau Cod Ymddygiad ac Addasrwydd i Ymarfer	7
4 Ymrwymiad i Addysgu	8
5 Ffioedd.....	9
6 Cytundeb ag Ysgol Gyflogi a Derfynir gan Y Brifysgol Agored	10
7 Hawl Statudol i Ganslo Cofrestriad a Therfynu Cofrestriad/tynnu yn ôl	10
8 Eich Astudiaethau	11
9 Newid Eich Cynlluniau Astudio (Gohirio eich astudiaethau neu Gymryd Seibiant Astudio)	12

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Mawrth 2019	Dyddiad adolygu: 1 Ionawr 2020

Rhestr termau.....	13
Cod Ymddygiad ac Ymarfer	13
Cyflwyno cymhwyster.....	13
Tiwtor Cwricwlwm	13
Gohirio eich astudiaethau neu Gymryd Seibiant Astudio.....	13
E-bortffolio	13
Ysgol Gyflogi.....	14
Mentor	14
Modiwl	14
Llwybr Rhan Amser.....	14
Cyfnodau Ymarfer Dysgu.....	14
Ymarfer dysgu/ dysgu sy'n seiliedig ar ymarfer	14
Tiwtor Ymarfer	14
Cydlynnydd Ysgol	14
Ail Ysgol.....	14
Eglurhad pellach.....	14
Fformat amgen.....	15
Y Brifysgol Agored yng Nghymru	15
I siaradwyr Cymraeg.....	15
Myfyrwyr sy'n byw yng Nghymru:	15
Atodiad A.....	16
Amgylchiadau lle y gellir ystyried gohirio astudiaethau neu roi seibiant astudio i fyfyrwyr gwblhau eu cymhwyster TAR.....	16

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Ebrill 2019	Dyddiad adolygu: 1 Ionawr 2021

Cwmpas

Yr hyn y mae'r ddogfen hon yn ei gwmpasu

Dim ond i fyfyrwyr sydd wedi cael eu derbyn ar lwybr cyflogedig rhaglen Tystysgrif Addysg i Raddedigion (Cymru) Y Brifysgol Agored y mae'r cytundeb ychwanegol hwn yn berthnasol. Mae'r Cytundeb Ychwanegol hwn yn nodi'r telerau ychwanegol mewn perthynas ag astudio cymhwyster TAR (Cymru) o dan y llwybr cyflogedig hwn.

Mae myfyrwyr sy'n astudio ar gyfer TAR (Cymru) fel myfyrwyr cyflogedig yn aelodau o staff cyflogedig mewn ysgol. Caiff eu ffioedd eu talu'n llawn gan Lywodraeth Cymru a thelir cyflog athro heb gymhwyso gan eu sefydliad cyflogi.

Bydd myfyrwyr cyflogedig ar raglen TAR yn fyfyrwyr gyda'r Brifysgol Agored ac yn gyflogeion yn eu Hysgol Gyflogi. Bydd angen iddynt gofrestru â'r Corff Rheoleiddio (Cyngor y Gweithlu Addysg) fel gweithiwr Cymorth Ysgol cyn iddynt ddechrau eu rhaglen TAR, a bydd angen iddynt gydymffurfio â [Chod Ymddygiad ac Ymarfer Proffesiynol Cyngor y Gweithlu Addysg](#).

Bydd myfyrwyr cyflogedig yn ymgymryd â chyfnodau o ymarfer dysgu mewn ysgol, astudiaethau academaidd a chyflogaeth ar yr un pryd. Caiff ymarfer dysgu ei asesu gan fentoriaid, cydlynwyr ysgol, a thiwtoriaid ymarfer: rhoddir mwy o wybodaeth am y rolau hyn yn y Rhestr termau.

Ar ôl ennill cymhwyster TAR (Cymru) yn llwyddiannus, bydd Y Brifysgol Agored yn argymhell i Gyngor y Gweithlu Addysg y dylid dyfarnu Statws Athro Cymwysedig (SAC).

Yr hyn nad yw'r ddogfen hon yn ei gwmpasu

Nid yw'r Cytundeb Ychwanegol hwn yn gymwys i'r canlynol:

- myfyrwyr sy'n dilyn y llwybr TAR rhan amser a hunanariennir (ar gael o fis Hydref 2020)
- myfyrwyr nad ydynt wedi cael eu derbyn ar raglen TAR (Cymru) Y Brifysgol Agored eto
- myfyrwyr sy'n astudio modiwlau a allai gyfrannu at gymhwyster y tu allan i raglen TAR (Cymru)
- myfyrwyr sy'n astudio cymwysterau neu raglenni dysgu seiliedig ar waith eraill, fel gwaith cymdeithasol a nyrsio
- myfyrwyr sy'n astudio modiwlau neu gymwysterau safonol Y Brifysgol Agored, a ddylai gyfeirio at yr [Amodau Cofrestru](#) presennol
- myfyrwyr ar raglenni Prentisiaeth, a ddylai gyfeirio at [Amodau Cofrestru \(Prentisiaid\)](#)
- myfyrwyr sy'n astudio Microgymwysterau, a ddylai gyfeirio at [Telerau ac Amodau \(Microgymwysterau\)](#)

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Ebrill 2019	Dyddiad adolygu: 1 Ionawr 2021

Cytundeb Ychwanegol

Mae'r ddogfen hon yn Gytundeb Ychwanegol i'r prif [Amodau Cofrestru](#). Mae'r telerau ac amodau yn y Cytundeb Ychwanegol hwn yn cael blaenoriaeth dros yr Amodau Cofrestru lle bo'r rhain yn wahanol.

Dogfennaeth Gysylltiedig

Cyfeiriwch at y ddogfennaeth ganlynol ar y cyd â'r ddogfen hon:

Dogfennau sy'n llywodraethu eich astudiaethau:

- [Amodau Cofrestru](#)
- Rheoliadau sy'n benodol ar gyfer rhaglen [TAR](#)

Gwybodaeth ac arweiniad:

- [Gweithdrefn Addasrwydd i Ymarfer](#)
- [Addasrwydd i Astudio](#)

Rhannu gwybodaeth a Diogelu Data:

- [Hysbysiad Preifatrwydd Myfyrwyr](#)
- [Hysbysiad Preifatrwydd TAR](#)

Egwyddorion Siarter Myfyrwyr Y Brifysgol Agored

Mae'r polisi hwn yn cyd-fynd â'r egwyddorion canlynol a nodir yn [Siarter Myfyrwyr Y Brifysgol Agored](#):

- Egwyddor 2: Ein nod yw ysbrydoli a galluogi dysgu
- Egwyddor 3: Rydym yn rhannu'r cyfrifoldeb dros ddysgu
- Egwyddor 4: Gweithiwn gyda'n gilydd er mwyn sicrhau cenhadaeth y Brifysgol ac i hyrwyddo gwerthoedd y Brifysgol.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Ebrill 2019	Dyddiad adolygu: 1 Ionawr 2021

Cyflwyniad

Mae'r ddogfen hon yn nodi'r telerau ychwanegol y cytunwyd arnynt â'r Brifysgol Agored mewn perthynas ag astudio ar gyfer cymhwyster TAR (Cymru). Dylid ei darllen ar y cyd â'r ddogfen [Amodau Cofrestru](#) a'r rheolau, y rheoliadau a'r polisïau y cyfeirir atynt ynnddi ac yn y cytundeb hwn.

Drwy gofrestru ar gyfer rhaglen TAR (Cymru), rydych yn cytuno i'r telerau a nodir yn yr [Amodau Cofrestru](#) (heblaw am yr eithriadau a restrir yn y tabl isod) ynghyd â'r rhai hynny a restrir yn ychwanegol yn y ddogfen hon:

Adran Amodau Cofrestru 2019/20	Eithriadau ar gyfer Llwybr Cyflogedig TAR
Crynodeb o brif delerau'r contract rhyngom ni	Nid yw pwyntiau 9. nac 11. yn gymwys
A <u>Eich cytundeb</u>	A1.d nid yw'r polisi "Derbyn Ymgeiswyr o dan 18 Oed" yn gymwys gan na fydd y rhaglen yn derbyn unrhyw un o dan 18 oed. A2 Caiff amod ychwanegol ar gyfer datgelu cyfyngiadau ac amodau cyfreithiol ei ddisodli gan Adran 2.1 yn y Cytundeb TAR Ychwanegol hwn
B <u>Eich ffioedd</u>	Caiff Adran B Eich Ffioedd ei disodli gan Adran 5 yn y Cytundeb TAR Ychwanegol hwn
E <u>Dod â'ch cofrestrriad i ben</u>	E1 Caiff Canslo eich cofrestrriad ei ddisodli gan Adran 7 yn y Cytundeb TAR Ychwanegol hwn

Mae'r Cytundeb hwn yn weithredol o'r dyddiad y gwnaethoch gofrestru ar gyfer eich TAR, a bydd yn parhau i fod yn gymwys tan eich bod wedi cwblhau eich cymhwyster, neu tan y bydd eich cofrestrriad wedi dod i ben neu wedi cael ei ganslo, pa un bynnag sy'n digwydd gyntaf.

Dim ond drwy'r Ganolfan Cymorth a Recriwtio Myfyrwyr y gall myfyrwyr cyflogedig gofrestru yng Nghymru.

Am arweiniad penodol ar sut y gall y cytundeb hwn fod yn berthnasol i'ch amgylchiadau personol, cysylltwch â thîm TAR ar 029 2047 1170 neu anfonwch e-bost i Wales-PGCE@open.ac.uk. Mae'r tîm wedi'i hyfforddi'n arbennig i roi cyngor ar weithredu'r cytundeb hwn.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academiaidd
Yn weithredol o: 1 Ebrill 2019	Dyddiad adolygu: 1 Ionawr 2021

Prif delerau'r Cytundeb Ychwanegol

1 Crynodeb o brif delerau'r Cytundeb Ychwanegol

1.1 Mae'r adran hon yn rhoi crynodeb bras o delerau ychwanegol eich cytundeb i astudio cymhwyster TAR (Cymru) gyda'r Brifysgol Agored. Rydych yn cytuno i'r canlynol:

- a) cydymffurfio â'r [Cod Ymddygiad ac Ymarfer](#) a bennwyd gan yr Awdurdod Rheoleiddio, Cyngor y Gweithlu Addysg.
- b) cael eich derbyn ar lwybr cyflogedig TAR. Fel arall, ni chaniateir i chi gymryd rhan yng nghyfnodau dysgu ymarfer nac astudio cymhwyster TAR (Cymru), ac ni chaiff eich ffioedd eu talu gan Lywodraeth Cymru.
- c) cydymffurfio â gofynion cyfreithiol a pholisi'r Brifysgol Agored, Consortia Rhanbarthol, eich Ysgol Gyflogi a'ch Ail Ysgol fel y'u nodir yn eu priod bolisiâu, gweithdrefnau a thelerau cyflogaeth.
- d) bodloni'r safonau academiaidd a'r gofynion seiliedig ar ymarfer ar gyfer astudio gyda'r Brifysgol Agored a'r rhai a nodir yn y [Safonau Proffesiynol ar gyfer Addysgu ac Arweinyddiaeth](#). Mae'n rhaid i chi wneud hyn er mwyn ennill eich cymhwyster TAR.
- e) hysbysu'r Brifysgol Agored a'ch Ysgol Gyflogi cyn gynted â phosibl am unrhyw bryderon sydd gennych ynglŷn â methu â bodloni gofynion o'r fath.
- f) deall y gall Y Brifysgol Agored atal neu derfynu eich cofrestriad, neu wrthod dyfarnu TAR (Cymru) os na fodlonir y telerau a nodir yn y cytundeb hwn.
- g) deall y gall Y Brifysgol Agored, Consortia Rhanbarthol, eich Ysgol Gyflogi a'ch Ail Ysgol rannu gwybodaeth angenrheidiol am eich iechyd, anabledd, perfformiad academiaidd, ymddygiad, addasrwydd i ymarfer a safonau proffesiynol. Caiff gwybodaeth o'r fath ei chadw'n ddiogel, a dim ond yn unol â [Hysbysiad Preifatrwydd TAR Y Brifysgol Agored](#) y caiff ei phrosesu.
- h) (Fel myfyriwr cyflogedig), rhaid eich bod yn byw naill ai yng Nghymru neu Lloegr ac yn gallu teithio i'ch Ysgol Gyflogi yng Nghymru yn ddyddiol.

2 Amodau ychwanegol ar gyfer datgelu cyfyngiadau ac amodau cyfreithiol

2.1 Mae'n rhaid i chi ddatgelu unrhyw euogfarn droseddol cyn cofrestru neu ar unrhyw bwynt y byddwch yn dod yn derbyn euogfarn droseddol yn ystod eich astudiaethau. Mae'n debygol iawn y bydd unrhyw euogfarn droseddol yn eich atal rhag astudio TAR (Cymru) gyda'r Brifysgol Agored, ond caiff pob achos ei ystyried yn unigol.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academiaidd
Yn weithredol o: 1 Ebrill 2019	Dyddiad adolygu: 1 Ionawr 2021

2.2 Mae'n rhaid i bob myfyriwr cyflogedig feddu ar dystysgrif y Cynllun Datgelu a Gwahardd cyn y gallant gael profiad o addysgu mewn ysgol. Mae'n rhaid i fyfyrwyr sy'n ddarostyngedig i orchymyn, cyfyngiad neu drefniant a osodwyd gan lys neu gorff awdurdodedig ar hyn o bryd neu a ddaw'n ddarostyngedig iddynt, hysbysu Cyfarwyddwr Rhaglen TAR yng Nghymru neu ei gynrychiolydd am unrhyw amodau a all eu hatal rhag cymryd rhan lawn yn eu cwrs a chymuned ehangach y Brifysgol yn ddi-oed. O dan amgylchiadau o'r fath, efallai y bydd yn rhaid i chi roi'r gorau i astudio cymhwyster TAR (Cymru) oherwydd eich bod yn mynd yn groes i'r Cod Ymddygiad ac Ymarfer (gweler 3 isod). Mae'r datgeliad hwn yn ein helpu i gynorthwyo myfyrwyr i gydymffurfio ag unrhyw amodau wrth astudio gyda'r Brifysgol Agored, ac mae'n cyflawni ein rhwymedigaeth diogelu ac yn cynnwys y rhai hynny sydd wedi'u Cofrestru fel Troseddwr Rhyw ac sy'n destun Gorchmynion Atal Niwed Rhywiol.

3 Gweithdrefnau Cod Ymddygiad ac Addasrwydd i Ymarfer

3.1 Drwy ymrwymo i'r Cytundeb Ychwanegol hwn, rydych yn cydnabod yn agored eich bod yn deall ac yn cytuno i ymrwymo i'r Cod Ymddygiad ac Ymarfer diwygiedig (yn weithredol o 1 Medi 2019) a bennwyd gan yr Awdurdod Rheoleiddio, Cyngor y Gweithlu Addysg: [Cod Ymddygiad ac Ymarfer Proffesiynol Cyngor y Gweithlu Addysg](#).

Mae hyn yn golygu'r canlynol:

- a) Os mynegir pryder nad ydych yn cyflawni neu'n cynnal disgwyliadau'r Cod ar lefel sy'n briodol ar gyfer cam eich astudiaethau ar gyfer cymhwyster TAR (Cymru), ac nad yw dulliau cymorth eraill wedi bod yn ddigonol, efallai y cewch eich cyfeirio o dan [Weithdrefn Addasrwydd i Ymarfer](#) Y Brifysgol Agored.

Gall hyn arwain at y canlynol:

- gosod amodau fel eich bod yn gallu parhau i astudio ar gyfer TAR;
- eich atal rhag astudio ar gyfer TAR;
- terfynu cofrestriad ar gyfer TAR;
- peidio â dyfarnu TAR.

- b) Rydych yn cytuno i hysbysu Cyfarwyddwr Rhaglen TAR yng Nghymru neu ei gynrychiolydd (Wales-PGCE@open.ac.uk) cyn gynted â phosibl am unrhyw fater a all beri pryder ynglŷn â'ch gallu i gydymffurfio â Chod Ymddygiad ac Ymarfer yr Awdurdod Rheoleiddio.

3.2 Er y gellid bod wedi dyfarnu credyd modiwl i chi sy'n bodloni gofynion academaidd ac ymarfer dysgu TAR (Cymru), gall Y Brifysgol Agored penderfynu peidio â dyfarnu'r cymhwyster hwnnw ar sail argymhelliad Panel Addasrwydd i Ymarfer os yw'n penderfynu eich bod wedi methu â bodloni'r safonau angenrheidiol yng Nghod Ymddygiad ac Ymarfer Cyngor y Gweithlu Addysg, o ganlyniad i faterion a gododd cyn cyflwyno'r cymhwyster.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Ebrill 2019	Dyddiad adolygu: 1 Ionawr 2021

- 3.3 Os yw cymhwyster TAR wedi'i gyflwyno a daw unrhyw faterion a gododd cyn ei gyflwyno i'r amlwg a bod y Panel Addasrwydd i Ymarfer o'r farn y dylent fod wedi cael eu datgan ac y byddai hynny wedi arwain at atal cymhwyster TAR (Cymru), caiff y mater ei gyfeirio at Bwyllgor Disgyblu Canolog y Brifysgol sydd â'r pŵer i dynnu cymhwyster TAR (Cymru) yn ôl.
- 3.4 Os na chaiff cymhwyster TAR (Cymru) ei ddyfarnu, ni fyddwch yn gymwys i gofrestru i ymarfer fel athro. Os byddwch wedi llwyddo i gwblhau modiwl(au), mae'n bosibl y gall y credyd gyfrif tuag at gymwysterau eraill Y Brifysgol Agored y byddwch yn cofrestru ar eu cyfer sydd y tu allan i Raglen TAR.

4 Ymrwymiad i Addysgu

- 4.1 Pan fyddwch yn cofrestru ar gyfer cymhwyster TAR (Cymru) gyda'r Brifysgol Agored, rydych yn cytuno i'r canlynol:
- Cydweithredu â'ch Ysgol Gyflogi ac ymgymryd â chyfnodau priodol a digonol o ymarfer dysgu i'ch galluogi i fodloni deilliannau dysgu cymhwyster TAR (Cymru) a gofynion Cyngor y Gweithlu Addysg, sy'n cynnwys 120 diwrnod o ymarfer addysgu.
 - Cydweithredu â'ch Ysgol Gyflogi a'ch Ail Ysgol i fodloni unrhyw ofynion rhesymol i gynnal enw da'r ysgolion, Llywodraeth Cymru, a'r Brifysgol Agored, a chydymffurfio â'u rhwymedigaethau cyfreithiol ac ariannol, a safonau gwasanaeth mewn cysylltiad â'ch rhan yn y cyfleoedd ymarfer dysgu a ddarperir.
 - Cydymffurfio â pholisïau ac arferion cyflogi yr Ysgol Gyflogi a'r Ail Ysgol, a chymryd pob cam rhesymol i ymgymryd ag unrhyw gyfleoedd ymarfer dysgu sydd eu hangen er mwyn cwblhau cymhwyster TAR (Cymru).
- 4.2 Bydd yr Ysgol Gyflogi yn gofyn i chi gydweithredu â'ch tiwtor ymarfer, cydgysylltydd yr ysgol a'ch mentor. Bydd eich tiwtor ymarfer, cydgysylltydd yr ysgol a'ch mentor yn gwneud y canlynol:
- Cynnal arsylwadau a goruchwylio ymarfer, gan gynnig adborth rheolaidd i chi drwy gydol y cyfnodau ymarfer dysgu;
 - Cyflawni unrhyw gyfrifoldebau asesu sy'n ofynnol gan gymhwyster TAR (Cymru);
 - Cymryd rhan yn y gwaith o gynllunio a monitro, a chynnal cyfarfodydd adolygu gyda chi a'ch gilydd yn ôl y gofyn.
- 4.3 Os byddwch yn torri'r cymalau a nodir ym Mharagraffau 4.1 a 4.2, ac nad yw, ym marn eich mentor a Chyfarwyddwr Rhaglen TAR yng Nghymru neu ei gynrychiolydd, yn rhesymol bosibl i chi gwblhau ymrwymiad addysgu, nid yw'n ofynnol i'ch Ysgol Gyflogi a'r Brifysgol Agored roi cyfle pellach i chi fodloni'r gofynion ymarfer dysgu ar gyfer y modiwl hwnnw. Os na fyddwch yn bodloni'r [Safonau Proffesiynol ar gyfer Addysgu ac Arweinyddiaeth](#) ac yn methu eich profiad addysgu (a'r cyfleoedd ailsefyll), mae'n bosibl y caiff eich astudiaethau eu hatal yn unol â'r [Amodau Cofrestru](#) (Adran E.2).

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academiaidd
Yn weithredol o: 1 Ebrill 2019	Dyddiad adolygu: 1 Ionawr 2021

- 4.4 Os bydd anawsterau yn codi sydd y tu hwnt i'ch rheolaeth yn ystod profiad ymarfer dysgu sy'n tarfu ar eich dysgu, bydd Y Brifysgol Agored a'r Consortia Rhanbarthol yn mynd i'r afael â nhw mewn partneriaeth â'ch Ysgol Gyflogi neu'ch Ail Ysgol. Gall hyn gynnwys cynnig Ysgol Gyflogi neu Ail Ysgol arall i chi.
- 4.5 Os na fydd yr Ysgol Gyflogi neu'r Ail Ysgol yn rhoi digon o amser i chi gwblhau'r profiadau ymarfer dysgu gofynnol, bydd Y Brifysgol Agored a Chonsortia Rhanbarthol yn trafod hyn gyda'r ysgol ac, os bydd angen, byddant yn ymdrechu i ymestyn eich cyfnod astudio i alluogi'r Ysgol Gyflogi neu'r Ail Ysgol i ddarparu digon o gyfleoedd ymarfer dysgu.

5 Ffioedd

- 5.1 Ni fydd disgwyl i fyfyrwyr cyflogedig gyfrannu'n uniongyrchol tuag at eu ffioedd dysgu, a chânt eu talu gan yr Ysgol Gyflogi fel athro heb gymhwyso.
- 5.2 O dan y llwybr cyflogedig, caiff myfyrwyr eu talu (cyflogi) gan ysgol a ariennir gan y wladwriaeth yng Nghymru i weithio fel athro heb gymhwyso wrth iddynt astudio ar gyfer eu cymhwyster TAR. Caiff ffioedd myfyrwyr ar y llwybr hwn eu hariannu gan grant hyfforddiant gan Lywodraeth Cymru a chânt eu talu'n uniongyrchol i'r Brifysgol Agored drwy gydol y cymhwyster.
- 5.3 Os byddwch yn torri telerau'r Cytundeb Ychwanegol hwn, neu'n canslo/terfynu eich astudiaethau, bydd Llywodraeth Cymru yn rhoi'r gorau i dalu eich ffioedd ar unwaith.
- 5.4 Os byddwch wedi rhoi gwybodaeth gamarweiniol, anghywir neu dwyllodrus am eich amgylchiadau yn fwriadol, mae'n bosibl y byddwch yn atebol yn bersonol am dalu rhai o'ch ffioedd neu'r cyfan ohonynt.
- 5.5 Os byddwch yn penderfynu tynnu yn ôl o'r llwybr cyflogedig ar ôl trafod â'r Brifysgol Agored, eich Ysgol Gyflogi a'ch Ail Ysgol, mae'n bosibl y byddwch yn gymwys i wneud cais i astudio cymhwyster TAR Y Brifysgol Agored drwy'r llwybr rhan amser. Am ragor o wybodaeth, cysylltwch â Thîm TAR ar 029 2047 1170 neu anfonwch e-bost i Wales-PGCE@open.ac.uk.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Ebrill 2019	Dyddiad adolygu: 1 Ionawr 2021

6 Cytundeb ag Ysgol Gyflogi a Derfynir gan Y Brifysgol Agored

- 6.1 Os caiff cytundeb cydweithredu'r Brifysgol Agored â'ch Ysgol Gyflogi ei derfynu, bydd Y Brifysgol Agored a Chonsortia Rhanbarthol yn cymryd camau rhesymol i'ch galluogi i orffen y rhaglen, gan gynnwys cwblhau pob modiwl angenrheidiol a chyflawni'r holl brofiad ymarfer dysgu sydd ei angen.
-

7 Hawl Statudol i Ganslo Cofrestrriad a Therfynu Cofrestrriad/tynnu yn ôl

- 7.1 Fel myfyriwr, gallwch arfer eich hawl o dan Reoliadau Contractau Defnyddwyr (Gwybodaeth, Canslo a Chostau Ychwanegol) (2013) i ganslo eich cofrestrriad heb gosb hyd at 14 diwrnod ar ôl dyddiad cadarnhau eich cofrestrriad, ni waeth sut y telir eich ffioedd.
- 7.2 Gall Y Brifysgol Agored ganslo eich cofrestrriad ar gyfer cymhwyster TAR (Cymru) o dan yr amgylchiadau a nodir yn yr [Amodau Cofrestru \(Adran E\)](#). Gallwn hefyd ganslo eich cofrestrriad os na fyddwch yn gwneud y canlynol:
- Ymgymryd â chyfnodau ymarfer dysgu gydag ysgol y cytunwyd arni.
 - Cadw at amodau'r llwybr cyflogedig, fel cyflogaeth gan Ysgol Gyflogi.
 - Cynnal safonau'r Awdurdod Rheoleiddio o ran eich iechyd, cymhwysedd a safonau ymddygiad.
- 7.3 Os caiff eich cyflogaeth ei therfynu gan eich Ysgol Gyflogi oherwydd eich bod yn torri telerau eich contract cyflogaeth â hi, ni fyddwch yn gallu parhau ar lwybr cyflogedig y cymhwyster hwn. Efallai y gallwch wneud cais i symud i'r llwybr rhan amser (a hunanariennir), yn dibynnu ar eich amgylchiadau. I drafod eich opsiynau, cysylltwch â thîm TAR ar 029 2047 1170 neu anfonwch e-bost i Wales-PGCE@open.ac.uk.
- 7.4 Os byddwch yn penderfynu canslo eich cofrestrriad ar gyfer cymhwyster TAR cyn dechrau astudio, bydd yn rhaid i chi drafod hyn â'r Brifysgol Agored a'ch Ysgol Gyflogi yn gyntaf er mwyn cytuno ar y goblygiadau. Efallai y bydd hyn yn effeithio ar eich Telerau Cyflogaeth gyda'ch Ysgol Gyflogi (a all gynnwys dod â'ch cyflogaeth i ben). Caiff y penderfyniad hwn ei wneud gan eich Ysgol Gyflogi.
- 7.5 Os byddwch am ganslo eich cofrestrriad ar ôl i chi ddechrau astudio, bydd yn rhaid i chi drafod hyn â'r Brifysgol Agored a'ch Ysgol Gyflogi yn gyntaf. Ar ôl i chi gadarnhau eich penderfyniad, bydd yn rhaid i chi wneud datganiad clir drwy ysgrifennu lythyr neu e-bost, at Gyfarwyddwr Rhaglen TAR yng Nghymru neu ei gynrychiolydd, yn Wales-PGCE@open.ac.uk, gan nodi eich penderfyniad yn ysgrifenedig. Os byddwch yn canslo eich cofrestrriad, ni fyddwch yn gallu ailddechrau eich astudiaethau, ac ni fyddwch yn fyfyrwr gyda'r Brifysgol Agored mwyach. Ni fyddwch yn gymwys i gael unrhyw ad-daliadau na chredydau ar gyfer ffioedd. Gall hyn effeithio ar eich Telerau Cyflogaeth gyda'ch Ysgol Gyflogi, a all gynnwys dod â'ch cyflogaeth i ben. Caiff y penderfyniad hwn ei wneud gan eich Ysgol Gyflogi.

Rhif y fersiwn: 1.0	Cymeradwywyd gan: Cynrychiolydd y Gyfarwyddwr, Gwasanaethau Academiaidd
Yn weithredol o: 1 Ebrill 2019	Dyddiad adolygu: 1 Ionawr 2021

7.6 Os byddwch wedi cwblhau unrhyw fodiwl(au) yn llwyddiannus ar adeg canslo eich astudiaethau, efallai y gallwch – yn amodol ar y [Rheoliadau Academaidd \(Cyrsiau a Addysgir\)](#) – gyfrif/eu cyfrif tuag at gymhwyster arall y byddwch yn cofrestru ar ei gyfer y tu allan i Raglen TAR.

8 Eich Astudiaethau

- 8.1 Ni allwch ohirio eich astudiaethau rhan o'r ffordd drwyddynt, oni fydd amgylchiadau eithriadol, a fyddai'n cael eu penderfynu yn ôl disgrisiwn Cyfarwyddwr Rhaglen TAR yng Nghymru neu ei gynrychiolydd a Phennaeth yr Ysgol Gyflogi (gweler Adran 10). Os byddwch yn absennol yn fynych neu am gyfnod estynedig o unrhyw ran o'r cymhwyster TAR, mae'n bosibl y gall hyn achosi pryder a/neu sbarduno'r Fframwaith Cymorth Myfyrwyr (Gweler y Rhestr termau).
- 8.2 Fel arfer, dylech gwblhau eich cymhwyster TAR o fewn 24 mis i ddyddiad dechrau'r modiwl cyntaf. Gweler Adran 10 os credwch na fydd hyn yn bosibl.
- 8.3 Er mwyn bod yn gymwys ar gyfer dyfarniad TAR (Cymru), rhaid eich bod, ym marn Y Brifysgol Agored, yn bodloni'n foddhaol ofynion academaidd Y Brifysgol Agored, a gofynion y [Safonau Proffesiynol ar gyfer Addysgu ac Arweinyddiaeth](#) ar gyfer pob modiwl a gwblheir.
- 8.4 Mae'n rhaid i chi fodloni'r holl ofynion priodol a chwblhau'r holl fodiwlau priodol yn llwyddiannus fel y'u nodir yn y Rheoliadau Cymhwyster sy'n benodol i gymhwyster TAR (Cymru) er mwyn cael y dyfarniad.
- 8.5 Os byddwch yn methu modiwl (gan gynnwys methu unrhyw arholiad ailsefyll neu ailgyflwyno), bydd angen i chi adael llwybr cyflogedig y cymhwyster TAR. Os byddwch wedi dechrau astudio'r modiwl nesaf wrth i chi aros am ganlyniadau, ni fyddwch yn gallu cwblhau'r modiwl hwnnw.
- 8.6 Os byddwch yn gadael neu os na fyddwch yn gymwys mwyach ar gyfer llwybr cyflogedig y cymhwyster TAR, gall hyn effeithio ar eich Telerau Cyflogaeth gyda'ch Ysgol Gyflogi, a all gynnwys dod â'ch cyflogaeth i ben. Caiff y penderfyniad hwn ei wneud gan eich Ysgol Gyflogi.
- 8.7 Mae'n rhaid i chi lwyddo ym mhob modiwl er mwyn ennill cymhwyster TAR. Os na fyddwch yn llwyddo yn yr Asesiad Diwedd Modiwl cyntaf (sy'n cynnwys asesiad academaidd a gwerthusiad ymarfer dysgu), mae'n bosibl y cewch eich gwahodd i'w ailgyflwyno, yn dibynnu ar eich canlyniadau. Os na gynnigir cyfle i chi ailgyflwyno, neu os na fyddwch yn llwyddo yn y modiwl ar ôl eich ail gynnig, byddwn yn eich tynnu oddi ar gofrestr y cymhwyster.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Ebrill 2019	Dyddiad adolygu: 1 Ionawr 2021

9 Newid Eich Cynlluniau Astudio (Gohirio eich astudiaethau neu Gymryd Seibiant Astudio)

- 9.1 O dan rai amgylchiadau (fel y'u nodir yn Atodiad A), efallai y byddwch yn penderfynu bod angen i chi roi'r gorau i astudio cyn i chi gyflwyno'r Asesiad Diwedd Modiwl ar gyfer modiwl. Gelwir hyn yn ohirio ac mae'n golygu y byddech yn rhoi'r gorau i astudio'r modiwl rydych wedi cofrestru ar ei gyfer ar hyn o bryd cyn cyflwyno a llwyddo yn eich asesiad ar gyfer y modiwl hwnnw, a byddem yn eich cofrestru i ddechrau'r modiwl hwnnw ar ei ddyddiad dechrau nesaf. Mae'n rhaid i chi drafod eich opsiynau gyda Chyfarwyddwr Rhaglen TAR yng Nghymru neu ei gynrychiolydd (Wales-PGCE@open.ac.uk) a'ch Ysgol Gyflogi. Nid oes sicrwydd y cewch ohirio llwybr cyflogedig cymhwyster TAR. Fodd bynnag, mae'n bosibl y gallwch drosglwyddo i'r llwybr rhan amser.
- 9.2 Os caniateir i chi ohirio, byddwch yn ailymuno â'r un modiwl ar y dyddiad dechrau nesaf. Caniateir i chi gario tystiolaeth a gasglwyd yn flaenorol yn eich e-bortffolio drosodd a pharhau i gyfrannu ato. Byddwch yn ailddechrau astudio o ddechrau'r modiwl. Ni ellir gwarantu y bydd y dystiolaeth asesu sy'n ofynnol pan fyddwch yn ailddechrau'r modiwl yr un fath â'r dystiolaeth yr oedd ei hangen yn y modiwl cynharach a ohiriwyd gennych. Gallai rhoi'r gorau i astudio effeithio ar eich cyflogaeth.
- 9.3 Gellir ystyried ceisiadau i ohirio os nad ydych wedi gallu astudio oherwydd rhesymau y tu hwnt i'ch rheolaeth ([gweler Atodiad A](#)). Mae amgylchiadau eraill lle y gellir caniatáu gohirio yn cynnwys y canlynol:
- os ydych wedi cael eich gwahardd dros dro o dan y [Weithdrefn Addasrwydd i Ymarfer](#) a'ch bod wedi cael eich adfer ar ôl hynny;
 - os bydd eich cyflogaeth yn yr ysgol yn dod i ben ac nad chi oedd ar fai, ac nid ydym yn gallu dod o hyd i ysgol arall ar unwaith a fydd yn eich helpu i gwblhau cymhwyster TAR (Cymru). Noder y bydd Y Brifysgol Agored a Chonsortia Rhanbarthol yn gwneud pob ymdrech i ddod o hyd i ysgol arall i chi.
- 9.4 O dan rai amgylchiadau (fel y'u nodir yn Atodiad A) neu o dan y [Polisi Addasrwydd i Astudio](#), ac mewn cytundeb â'r Brifysgol Agored a'ch ysgol Gyflogi, efallai y caniateir i chi gymryd seibiant astudio rhwng modiwlau. Mae hyn yn golygu y byddech yn cymryd seibiant o astudio rhwng cwblhau modiwlau mewn un flwyddyn a chyn dechrau'r modiwl nesaf y flwyddyn ganlynol. Er mwyn cymryd seibiant astudio, byddwch wedi cyflwyno ac wedi llwyddo yn eich asesiad ar gyfer y modiwl yr hoffech gymryd seibiant astudio ar ei ôl. Gallai cymryd seibiant astudio effeithio ar eich gallu i gwblhau'r cymhwyster TAR: Er mwyn bod yn gymwys ar gyfer y cymhwyster TAR, mae'n rhaid cwblhau'r holl astudiaethau o fewn pedair blynedd i ddyddiad dechrau modiwl TAR 1. Mae'n rhaid trafod y weithdrefn a'r rhesymau dros gymryd seibiant astudio o'r fath gyda Chyfarwyddwr Rhaglen TAR yng Nghymru neu ei gynrychiolydd a

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academiaidd
Yn weithredol o: 1 Ebrill 2019	Dyddiad adolygu: 1 Ionawr 2021

Phennaeth eich Ysgol Gyflogi. Nid oes sicrwydd y byddech yn cael cymryd seibiant astudio ar y llwybr myfyriwr cyflogedig.

- 9.5 Os na fydd yr astudiaethau wedi'u cwblhau o fewn pedair blynedd, ni fyddwch yn ennill y cymhwyster TAR ac ni wneir argymhelliad i ddyfarnu SAC. Mae'n bosibl y gallwch, yn amodol ar y Rheoliadau Academaidd (Cyrsiau a Addysgir), ddefnyddio unrhyw gredydau rydych eisoes wedi'u cwblhau ar gyfer cymhwyster arall y byddwch yn cofrestru ar ei gyfer y tu allan i Raglen TAR.

Rhestr termau

Cod Ymddygiad ac Ymarfer

Mae'n cynnwys y safonau proffesiynol ymarfer ac ymddygiad ar gyfer athrawon, fel y'u cyhoeddwyd gan yr Awdurdod Rheoleiddio: [Cod Ymddygiad ac Ymarfer Proffesiynol Cyngor y Gweithlu Addysg](#).

Cyflwyno cymhwyster

Y pwynt lle y dyfernir eich cymhwyster i chi yn ffurfiol drwy brosesau dyfarnu'r Brifysgol Agored.

Tiwtor Cwricwlwm

Tiwtoriaid Cwricwlwm yw cyswllt allweddol athrawon dan hyfforddiant â'r Brifysgol Agored yng Nghymru.

Gohirio eich astudiaethau neu Gymryd Seibiant Astudio

Gohirio: o dan rai amgylchiadau (fel y'u nodir yn Atodiad A), mae'n bosibl y byddwch yn penderfynu bod angen i chi roi'r gorau i astudio cyn i chi gyflwyno'r Asesiad Diwedd Modiwl ar gyfer modiwl. Gelwir hyn yn ohirio ac mae'n golygu y byddech yn rhoi'r gorau i astudio'r modiwl rydych wedi cofrestru ar ei gyfer ar hyn o bryd cyn cyflwyno a llwyddo yn eich asesiad ar gyfer y modiwl hwnnw, a byddem yn eich cofrestru i ddechrau'r modiwl hwnnw ar ei ddyddiad dechrau nesaf.

Cymryd seibiant astudio: o dan rai amgylchiadau (fel y'u nodir yn Atodiad A) neu o dan y [Polisi Addasrwydd i Astudio](#), ac mewn cytundeb â'r Brifysgol Agored a'ch Ysgol Gyflogi, efallai y caniateir i chi gymryd seibiant astudio rhwng modiwlau. Mae hyn yn golygu y byddech yn cymryd seibiant o astudio rhwng cwblhau modiwlau mewn un flwyddyn a chyn dechrau'r modiwl nesaf y flwyddyn ganlynol. Er mwyn cymryd seibiant astudio, byddwch wedi cyflwyno ac wedi llwyddo yn eich asesiad ar gyfer y modiwl yr hoffech gymryd seibiant astudio ar ei ôl. Gallai cymryd seibiant astudio effeithio ar eich gallu i gwblhau'r cymhwyster TAR.

E-bortffolio

Mae'n cynnwys tystiolaeth a gyflwynwyd gan y myfyriwr ar ddiwedd pob modiwl, i ddangos ei gynnydd tuag at gyflawni deilliannau cymhwyster TAR.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Ebrill 2019	Dyddiad adolygu: 1 Ionawr 2021

Ysgol Gyflogi

Ysgol sy'n cyflogi athro dan hyfforddiant sy'n dilyn y rhaglen TAR. Caiff athrawon dan hyfforddiant eu cyflogi ar gyfradd athro heb gymhwyso fel y'i pennir gan y strwythur cyflog cenedlaethol i athrawon yng Nghymru.

Mentor

Eich prif gyswllt yn eich Ysgol Gyflogi sy'n eich cynorthwyo i gwblhau eich astudiaethau TAR.

Modiwl

Cyfres o unedau astudio yw modiwl; mae rhaglen TAR yn cynnwys tri modiwl. Mae'n rhaid i fyfyrwr gwblhau'r asesiadau academaidd a bodloni'r gofynion ymarfer dysgu yn llwyddiannus ar gyfer pob modiwl er mwyn llwyddo.

Llwybr Rhan Amser

Y llwybr drwy'r cymhwyster TAR yng Nghymru a hunanariennir gan fyfyrwr ac nad yw wedi'i leoli mewn Ysgol Gyflogi.

Cyfnodau Ymarfer Dysgu

Amser penodol i gael profiad addysgu TAR ar gyfer y myfyrwr hynny sy'n dilyn y rhaglen gyflogedig.

Ymarfer dysgu/ dysgu sy'n seiliedig ar ymarfer

Y term cyffredinol ar gyfer profiadau dysgu sydd wedi'u lleoli mewn amgylchedd ymarfer.

Tiwtor Ymarfer

Tiwtor Addysg Gychwynnol Athrawon profiadol o ysgol arall sy'n monitro eich cynnydd ar y cymhwyster TAR.

Cydlynnydd Ysgol

Mae ysgolion yn darparu cydlynnydd ysgol sy'n uwch-aelod o staff yr ysgol.

Ail Ysgol

Yr Ail Ysgol y cewch eich lleoli ynddi i gwblhau eich ymarfer dysgu.

Eglurhad pellach

Am arweiniad penodol ar sut y gall y cytundeb hwn fod yn berthnasol i'ch amgylchiadau personol, cysylltwch â thîm TAR ar 029 2047 1170 neu anfonwch e-bost i Wales-PGCE@open.ac.uk. Mae'r tîm wedi'i hyfforddi'n arbennig i roi cyngor ar weithredu'r cytundeb hwn.

Os bydd gennych unrhyw sylwadau ynglŷn â'r ddogfen bolisi hon a sut y gellir ei gwella, cyflwynwch y rhain i SPR-Policy-Team@open.ac.uk.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Ebrill 2019	Dyddiad adolygu: 1 Ionawr 2021

Fformat amgen

Os bydd angen i chi gael y ddogfen hon mewn fformat arall, cysylltwch â'r Brifysgol Agored yng Nghymru:

Y Brifysgol Agored yng Nghymru

18 Heol y Tollty
Caerdydd
CF10 1AP

Ffôn +44 (0)29 2047 1170

E-bost wales-support@open.ac.uk

I siaradwyr Cymraeg

Os ydych yn siarad Cymraeg a byddai'n well gennych drafod eich anghenion drwy gyfrwng y Gymraeg, cysylltwch â'r Brifysgol Agored yng Nghymru yng Nghaerdydd os gwelwch yn dda

ffôn 029 2047 1170 neu e-bost wales-support@open.ac.uk

Myfyrwyr sy'n byw yng Nghymru:

Gallwch siarad â chynghorydd cymorth myfyrwyr yn Gymraeg.

Ffôn 029 2047 1170

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Ebrill 2019	Dyddiad adolygu: 1 Ionawr 2021

Atodiad A

Amgylchiadau lle y gellir ystyried gohirio astudiaethau neu roi seibiant astudio i fyfyrwyr gwblhau eu cymhwyster TAR.

Maen prawf	Amodau a nodiadau	Y dystiolaeth ategol sydd ei hangen
1. Marwolaeth aelod agos o'r teulu, partner neu ddibynnydd.	Diffinnir aelod agos o'r teulu fel rhywun rydych yn dibynnu arno (yn emosiynol neu'n ariannol) neu a oedd yn ddibynnol arnoch chi.	Copi caled neu hysbysiad e-bost ac yna dystiolaeth ddogfennol. Copi ardystiedig o dystysgrif marwolaeth (gellir gwneud eithriad os bu'r farwolaeth o fewn chwe wythnos cyn gwneud cais).
2. Analluogrwydd annisgwyl estynedig ar eich rhan chi neu ar ran aelod agos o'r teulu oherwydd salwch difrifol, damwain neu gyflwr meddygol	Os oeddech yn ymwybodol o'r problemau meddygol cyn dyddiad dechrau'r modiwl, mae'n rhaid bod y cyflwr wedi gwaethygu neu ddirywio ers hynny, h.y. ni ellid bod wedi rhagweld ar ddechrau'r modiwl y byddai'r salwch neu'r cyflwr wedi cael effaith andwyol ar eich astudiaethau.	Copi caled neu hysbysiad e-bost ac yna dystiolaeth ddogfennol. Tystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa. (Mae'n rhaid i gyfnod y salwch gael effaith ar bryd y tynnir yn ôl).
3. Anabledd	Nid yw'r addasiadau rhesymol a wnaed gan y Brifysgol wedi eich galluogi i astudio'n effeithiol; neu Mae effaith anabledd ar eich astudiaethau wedi bod yn fwy difrifol na'r disgwyl; neu Mae eich anabledd(au) wedi cael effaith gynyddol ar eich astudiaethau ers dyddiad dechrau'r modiwl.	Tystiolaeth ategol o gofnodion y Brifysgol e.e. tiwtor neu'r Tîm Cymorth Myfyrwyr Tystysgrif, llythyr neu ddatganiad meddygol gan feddyg teulu, meddyg ymgynghorol, cynorthwydd anfeddygol neu berson neu sefydliad cymorth yn cadarnhau'r sefyllfa.
4. Analluogrwydd annisgwyl estynedig ar eich rhan chi oherwydd beichiogrwydd neu	Os oeddech yn ymwybodol o'r beichiogrwydd cyn dyddiad dechrau'r modiwl, mae'n rhaid bod effaith y beichiogrwydd	Copi caled neu hysbysiad e-bost ac yna dystiolaeth ddogfennol. Tystysgrif, llythyr neu

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academiaidd
Yn weithredol o: 1 Ebrill 2019	Dyddiad adolygu: 1 Ionawr 2021

Maen prawf	Amodau a nodiadau	Y dystiolaeth ategol sydd ei hangen
famolaeth/tadolaeth	neu famolaeth/tadolaeth ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.	ddatganiad meddygol gan feddyg teulu neu feddyg ymgynghorol yn cadarnhau'r sefyllfa.
5. Analluogrwydd annisgwyl estynedig ar eich rhan chi oherwydd ailbennu rhywedd	Os oeddech wedi bod drwy'r broses o ailbennu rhywedd cyn dyddiad dechrau'r modiwl neu os oeddech yn ymwybodol erbyn hynny o'r trefniadau i wneud hynny ar ôl y dyddiad hwnnw, mae'n rhaid bod yr effaith ar eich astudiaethau yn fwy na'r hyn y gellid bod wedi'i ddisgwyl yn rhesymol.	Copi caled neu hysbysiad e-bost ac yna dystiolaeth ddogfennol. Tystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa.
6. Newid annisgwyl mewn amgylchiadau cyflogaeth sy'n golygu nad yw'n rhesymol bosibl i chi barhau i astudio oherwydd natur eithafol y gwaith, cyfathrebu gwael neu ddiffyg cyfleusterau astudio.	Ni chaiff amgylchiadau a all ddigwydd fel arfer wrth ymgymryd â'ch cyflogaeth llwybr cyflogedig fel newid tasgau, cynnydd yn y llwyth gwaith neu ofynion teithio rhesymol eu hystyried.	Copi caled neu hysbysiad e-bost ac yna dystiolaeth ddogfennol. E.e. llythyr neu e-bost gan eich Ysgol Gyflogi.
7. Camweinyddu ar ran y Brifysgol.	Camau gweithredu neu ddiffyg camau gweithredu y gellid eu hystyried yn gamweinyddu ar ran y Brifysgol ac sydd wedi effeithio ar eich cynnydd academaidd. Nid yw hyn yn cynnwys amgylchiadau sydd y tu hwnt i reolaeth y Brifysgol.	Unrhyw dystiolaeth berthnasol i gefnogi eich cais e.e. cofnod o gyswilt myfyrwr.
8. Amgylchiadau eithriadol eraill difrifol y tu hwnt i'ch rheolaeth.	Amgylchiadau y tu hwnt i'ch rheolaeth a wnaeth leihau'n sylweddol yr amser a oedd ar gael i chi astudio dros gyfnod parhaus.	Tystiolaeth ategol e.e. adroddiad gan y gwasanaethau brys, gwasanaethau cymdeithasol, yr heddlu neu gwmselydd.
9. Cyfrifoldeb gofalu	Os oedd eich cyfrifoldebau gofalu ar waith cyn dyddiad	Copi caled neu hysbysiad e-bost ac yna dystiolaeth

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Ebrill 2019	Dyddiad adolygu: 1 Ionawr 2021

Maen prawf	Amodau a nodiadau	Y dystiolaeth ategol sydd ei hangen
	dechrau'r modiwl, mae'n rhaid bod yr effaith ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.	ddogfennol. E.e. Llythyr neu ddatganiad meddygol gan feddyg teulu, meddyg ymgynghorol, cynorthwyydd anfeddygol neu berson neu sefydliad cymorth yn cadarnhau'r sefyllfa.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Ebrill 2019	Dyddiad adolygu: 1 Ionawr 2021